



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը


You are free to:

**Share** — copy and redistribute the material in any medium or format

**Adapt** — remix, transform, and build upon the material

W

208-21
7-50





*Յ. Լեզարեան*

ПРОФ. М. Н. ПЕТРОВЪ  Գրւծ. Մ. և ՊԵՏՐՈՎ,

ԱՒԵՏԱՐԱՆԸ  
ՊԱՏՄՈՒԹԵԱՆ ՄԷՋ

— — — — —  
Ռուսերէնից քարգանեց

**Աւետիս Տէր Գարոսիւնեան**

և մ ք ա գ ր է ց

Սիրական Տիգրանեան

— — — — —  
Վաղարշապատ

Տպարան Մայր Արուոյ Սրբոյ Էջմիածնի

1902







22.07.2013

3144



# Ա Ի Ե Տ Ա Ր Ա Ն Ը

## ՊԱՏՄՈՒԹԵԱՆ ՄԷՁ

Доз. Цензур. 27 Ноября 1901 г. г. Тифлисъ.

Հաղիւ թէ պատմութեան մէջ լինի մի խնդիր, որի մասին այնքան շատ գրուէր, որպիսին է քրիստոնէութեան ազդեցութիւնը աշխարհի քաղաքակրթութեան վրայ: Այն ժամանակից, երբ Եւրոպայում սկիզբն առաւ լուրջ պատմական գիտութիւնը, այսինքն անցեալ դարու սկզբից, ամեն տեսակ կուսակցութիւնների և համոզմունքների տէր մարդիկ հաւասարապէս գնահատեցին մեր կրօնի մեծ քաղաքակրթական դերը: Նոյն իսկ այն գրողները, որոնք քրիստոնէութեան աստուածային ծագում ունենալը մերժում էին և նրա վրայ՝ որպէս լոկ պատմական



39839-67



երևոյթի վրայ էին նայում; աւելի ևս ջանք  
 գործ դրին պարզելու այն ազդեցութիւնը,  
 որ քրիստոնէութեան կրօնը ունեցել է նոր  
 մարդկութեան վիճակի և բնաւորութեան  
 վրայ: Այդպիսի օրինակ կարող է ծառայել  
 Բելգիացի ուսուցչապետ Լօրանը նորագոյն  
 ժամանակի համար. նա իր մի երկի մէջ<sup>1)</sup>  
 այնքան եռանդով է հետևում այս խնդ-  
 րին, որ ընկնում է մինչև անգամ ոչ գի-  
 տական պատմական գուշակութեան մէջ:

Այսպիսի պայմաններում լիովին պար-  
 զաբանուած առարկայի մասին նորից դա-  
 տել ու մտածել, թերեւ լինի մեծ համար-  
 ձակութիւն. սակայն կարծում ենք, թէ այս  
 խնդիրն ունի այնքան անթիւ կողմեր, որ  
 անկեղծութեամբ արտայայտած իւրաքան-  
 չիւր կենդանի անհատական տպաւորութիւն,  
 ընդունակ է խորհող մարդու ուշադրու-  
 թիւնը գրաւել:

Գիտական մատենագրութեան մէջ շատ  
 անգամ է արտայայտուել այն միտքը, որ  
 քրիստոնէութիւնը հեթանոսական ոգու դէմ  
 մի մեծ յետաշրջումն էր: Այս միտքը պար-

1) Etudes sur l'histoire de l'humanité.

զելու համար հարկաւոր է ուշադրութեամբ  
 կարդալ Աւետարանը՝ աշխատելով մտքով  
 սլանալ դէպի այն հանգամանքները, այն  
 անցքերն ու կեանքի բոլոր պայմանները,  
 որոնց մէջ քարոզում էր Փրկչի վարդապե-  
 տութիւնը: Այն հարցը, թէ ինչ էր այս  
 վարդապետութեան հակառակութիւնը հին  
 աշխարհի գաղափարների ու կարգերի վերա-  
 բերմամբ և հետևաբար ինչ նոր սկզբունք-  
 ներ է կտակել Աւետարանը մարդկութեան,  
 — կարող է պարզուել այս ճանապարհով:  
 Եւ ահա թէ ինչպիսի տպաւորութիւն է  
 ստանում ընթերցողը, երբ համեմատում է  
 Փրկչի վարդապետութիւնը նրա ժամանա-  
 կակից պատմութեան հետ:

Տիրերեան եօթ բլրների վրայ տարած-  
 ւում էր պետութեան մայրաքաղաքը՝ իր  
 երկու միլլիօն բնակիչներով, չորս հարիւր  
 տաճարներով, երկու հազար ապարանքնե-  
 րով և տասնեակ հազար փոքրիկ բնակա-  
 րաններով: Ութսուն միլլիօնից բազկացած  
 թագաւորութեան մայրաքաղաքը, երկրա-  
 զնդի երեք աշխարհների լաւ քաղաքակը-  
 թուած կողմերին հրամայողը, կայսերական  
 Հռոմը իր պատերի մէջ էր ամփոփել բոլոր



կրթութիւնը և իւր ժամանակի պատմական  
աշխարհի ամբողջ ոյժը: Պետութեան բնա-  
կիչների երկու երրորդ մասը, քաղաքի բնա-  
կիչների կէսը բաղկացած էին ստրուկներից.  
մնացած մասը միայն անունով էին քաղա-  
քացի և բոլորի հետ հաւասարապէս հպա-  
տակ էին մէկի կամայականութեան: Խոռ-  
վութիւններով, նուաճումներով և փառքով  
յադեցած պետութեան մէջ կեսարներն  
առաջին անգամ ապահովութիւն և խաղա-  
ղութիւն յառաջ բերին դատապարտելով  
նրան մեքենայական բռնապետութեան կեն-  
ցաղափարութեան:

Մտնենք այդ հոյակապ ապարանքներից  
մէկի մէջ, որոնցով լեցուն է քաղաքը և  
տեանենք թէ ինչպէս են ապրում մարդիկ  
այդպիսի պայմանների և կարգերի մէջ:

Որմանկարներով և երփնաքարով (МО-  
ЗАИКА) զարդարուած ապարանքը, դորական  
սրահակներով և էկսեդրաներով, լցուած  
հարիւրաւոր տարացեղ ծառաներով, կազ-  
մում են այդ լայնատարած շինութեան միայն  
չնչին մասը: Նքեղ բաղնիքներ, ձկնարան-  
ներ, դաղանանոց, այգիներ, մինչև անգամ  
տաճարներ ու հրապարակներ— շրջապատում

են նրան՝ ծառայելով ամենաճոխ պերճու-  
թեան համար: Մեծատոհմ միլլիօնատէրի  
տունը մի ամբողջ քաղաք էր ներկայացնում,  
իսկ հռոմը քաղաքների ժողովածու:

Հեռում հնչող սիմֆոնիայի անդոր-  
րիչ հնչիւնների ազդմամբ քուն մտած հեշ-  
տասէրը զարթնում է ջրվէժների թարմ  
աղմկով և անհոգութեամբ մեկնում է ձեռ-  
քը, որպէս զի առաւօտեան այցելողների,  
ստրուկների և յաճախորդների ազահ խում-  
բը համբուրէ:

Որպէս զի անտանելի երկար ժամա-  
նակը մեռցնի, նա որոնում է ամեն միջոց-  
սակայն այնպիսի բաւականութիւն չէր գտ-  
նում, որը իսկոյն ևեթ չը զգուեցնէր: Ամ-  
բողջ աշխարհի հարստութիւնը և զուար-  
ճութիւնը այստեղ էր կուտակուել, որպէս  
զի զարդարի նրա բնակարանը, լցնի և քաղց-  
րացնի յարատե պարապ ժամանակը: Նրա  
օթեակի յատակի վրայ փռուած են թան-  
կագին քարեր. ամբողջ փայտից կոփածոյ  
սեղանը արժէ մեր փողով վաթսուն հազար  
րուբլի, նրա փողոջները լողում են մտրմա-  
րեայ աւաղաններում և կերակրում թարմ  
մարդկային մսով, նրա սիրամարգների և



սոխակների համար կառուցած են շքեղ հովանոցներ՝ շրջապատուած բոյսերով և թարմացնող բազմաթիւ շատրուաններով:

Նրա համար անտանելի է քաղաքը, գնում է իր շքեղ դաստակերտը՝ շինած պարտենոպեան ծոցի օփի վրայ, որտեղ և բարձր լեռներում և շառաչող ալիքների մէջ շինած էին նրա համար զուարճացնող շինութիւններ, ուր լիճը շրջապատուած է ծոյճափնեայ ժայռերով, որ տեղափոխուած են այստեղ անհաշիւ ծախսերով:

Նա ցանկանում է որպէս գիտնական հռչակուել և հաւաքում է թանկագին ձեռագրերի ամբողջ ժողովածու, որոնց անուններն էլ շատ անգամ չի իմանում. միւս կողմից ժամանակ էլ չունի: Անհանգստանում է, չլինի թէ իր անուշահոտութեամբ օծուած գանգուր մազերից որ և է խոպոպ չի նստի ուսերի վրայ այնպիսի անհոգութեամբ և դեղեցկութեամբ՝ որպիսին պահանջում է իր ժամանակի նորաձեւութիւնը, որ չլինի թէ իր սեղանը շրջապատող և ըստ հասակի, տարիքի կամ մորթու գոյնի շարքով կանգնած ստրուկների խումբը հագնուած և սանտրուած չլինի անթերի միօրի-

նակութեամբ, նա յուզւում է, չլինի թէ ծառաներից որ և է մէկը հիւրերի առաջ շարժումներ անելիս ու տեղ փոխելիս սխալուի կամ չը լինի թէ խնջոյքին յատկացրած նորանշան թուշունը նորաձեւութեան պատճառով խոհանոցի արուեստի հակառակ որ և է կերպ կարտած լինի:

Բայց ահա շուտով տաղտկանում է փարթամութիւնից և յագեցած բաւականութիւններով, մի քանի օր նա քաշւում է աղքատ խրճիթը, որը դիտմամբ շինած է իր ապարանքի մէջ և որտեղ կաւի յատակի վրայ հասարակ ամաններով պինդ կերակուր է վայելում, մոռանալով առ ժամանակ իր ոսկէ վազերը և ամեթոս քարեայ բաժակը, — և այս բոլորը նրա համար, որպէս զի նորից դառնալով փարթամ կեանքին, մի նոր, թարմ բաւականութիւն զգայ:

Ամբողջ Իտալիան ծածկուած էր պարտէզներով, լճերով և ծառատաններով, որտեղ մանրավաճառները նրա սեղանի համար ձուկ և որս են պատրաստում: Հեռուոր նահանգները մինչև անգամ նրա մոռանների համար ընտիր մթերք են մատակարարում: Կոսը տալիս է գինի, Թագրոսը



— Թուշուն, Սիցիլիան — հաց, Աֆրիկան — խեցիներ: Խոհարարը իր արուեստի համար պսակուած էր ոսկէ պսակով: Ընթրիքը նըստում էր երեք միլլիօն սիստերցիա, մօտաւորապէս հարիւր և յիսուն հազար բուբլի: Սիրամարգների լեզուններից կամ թուլթակների ուղեղներից պատրաստած կերակուրը հռոմէական հաշուով հասնում էր երբեմն մինչև հարիւր հազար:

Ծիրանագեղ բազմոցներում բազմել են խօսակիցները, շրջապատուած կամակատար եւ սարկական պաշտօնեանների խմբով, որոնք գուշակում են նրանց ամենափոքրիկ ցանկութիւններն անգամ. մատաղ ստրուկները արծաթէ մատուցարանների վրայ գեղեցիկ կերպով զարդարած կերակուր են մատուցանում, սիրուն գանգրահեր տղաները սպիտակ պատմուճան հագած գինի են մատուցանում, անուշահոտութիւն են փռում յատակի վրայ և հովհարում հիւրերին: Սեղանի շուրջ տեղի են ունենում երգեր, պարեր, նուագածութիւն, ֆարսեր և վէճեր: Եւ այսպիսի աղմկի, ուրախութեան մէջ, խնջօքի թագաւորը, հիւրընկալը յաճախ կենաց բաժակներ է առաջարկում և թարմ

կանաչով ու վարդերով պսակում իր հիւրերին: «Փութանք ապրել, ասում է նա, մահը մտնենում է, ծաղիկներով զարդարենք մեր գլուխները, մինչև չենք իջել Պլուտոնի մօտ»:

Այժմ դուրս գնանք այս նեղ տնային շրջանից դէպի յաւիտենական քաղաքի աղմկալից փողոցային կեանքը և հասարակական վայելքներն, — և այստեղ ևս տեսնում ենք բարոյական շահերի նոյն բացակայութիւնը, նոյն դատարկութիւնը և նիւթապաշտութիւնը:

Ամֆիթէատրոնը առաւօտուց բաց է. ութսուն հազար հանդիսատեսներ խռնւում են նրա մարմարեայ աստիճանների վրայ: Հասարակութեան սրտատրոփ սպասողութեան ժամանակ, ահա ասպարիզի վրայ բաց են թողնում աֆրիկայի վագրեր, առիւժներ ու յովազներ և ստիպում են կռուել միմեանց հետ: Յետոյ նրանց դէմ դուրս են գալիս վայրենի գեթուլները և երկայնահեր գաղիացի սուսերամարտիկներ, որոնց յատկապէս շահագէտներն էին դաստիարակում: Գազանների հետ իրենց գործը վերջացնելուց յետոյ իրար հետ են սկսում կռուել: Մարտնչում են կռքերի և ձիերի



վրայ և հետևիտ, մարտնչում էին մինչև ան-  
 դամ աչքերը կապած և այս առանձնապէս  
 հասարակութեան հաճելի էր, բայց աւելի  
 հրճուանք ու ցնծութիւն է առաջ գալիս,  
 երբ ըստ գաղիական արուեստի (քեաման-  
 դով) թուով և ցանցով մարդիկ էին որ-  
 սում:

Իսկ չորս կողմ բարձրանում է մէկ ան-  
 ընդհատ, խլացնող աղմուկ. այս ճարպիկ և  
 համարձակ հարուածների ու գեղեցիկ անկ-  
 ման և հոգևարքի տանջանքներին գիմա-  
 նալու հաստատակամութեան համար քա-  
 ջալերական աղաղակներ էին կամ թուլու-  
 թեան, փոքրոգութեան և անշնորհքութեան  
 համար՝ չարութեան ու դայրոյթի գոռում  
 գոչում:

Երբեմն յանկարծ հանդիսականների  
 մէջ բռնկւում է մարտնչելու տենչ: Նոքա  
 իրենք ասպարէզ են իջնում և կռուի մէջ  
 մասնակցութիւն ունենում: Սենատորը և  
 ազատանին կռւում են, որպէս հասարակ  
 սուսերամարտիկներ:

Բայց ահա ստորերկրեայ խողովակների  
 միջոցով յանկարծ ասպարէզը լեցւում է  
 ջրով և ներկայացնում մի լիճ, որտեղ լու-

ղում են կսկորդիլոսներ և ջրագամէշներ,  
 քսան նաւեր, — երկու հակառակորդ նաւա-  
 տորմիզ պատերազմի են գուրս գալիս:  
 Մահը հասարակութեան առաջ հանդէս է  
 գալիս իր բոլոր ձեերով: Մարդիկ խեղդ-  
 ւում են ջրի տակ, մեռնում են կրակից ու  
 երկաթից: Այդ նաւակուիւր հումէացու  
 ամենասիրելի զուարճութիւնն է կազմում:

Վերջապէս ջուրը քաշւում է և խոնաւ  
 ասպարիզի վրայ նորից սկսւում է մուշտա-  
 կուռի կոտորած:

Ահա սուսերամարտիկը բռնում է իր  
 տապալած հակառակորդի կսկորդից և սուրը  
 բարձրացրած սպասում է հանդիսատենների  
 սովորական նշանին — reepe ferrum, — մինչդեռ  
 թշուառականը թաւալելով փոշու մէջ, աշ-  
 խատում է նկարչական դիրք ընդունել, որ-  
 պէս զի ի բաւականութիւն կրթուած հա-  
 սարակութեան, մեռնի գեղարուեստի բոլոր  
 կանոնների համաձայն:

Ահա մատաղահաս աղջիկը տեղից վեր  
 է թռչում, խփում է ձեռքերը իրար, հըրճ-  
 ուանքի ձայներ արձակում, երբ տեսնում է,  
 թէ ինչպէս կռուողներից մէկը վայր է ընկ-  
 նում ճարպիկ և ուժգին հարուածից:



Հաղարաւոր գործիքների ձայներ միտ-  
խառնուում են ծափահարութեան աղակի,  
զոհերի հառաչանքների և հասարակութեան  
լաց ու կոծի հետ:

Մետաքսեայ ոսկուց կարած ծածկոցը  
տատանուում է հանդիսատեսների վրայ,  
պաշտպանելով նրանց արևի կիզիչ ճառա-  
գայթիներից: Առանձնապէս պատրաստած  
մեքենաներից ցօղում է անուշահոտ անձրև:  
Չորս կողմ ամբողջապէս զարդարած է մար-  
մարեայ արձաններով, հրաշալի քանդակնե-  
րով և երփնաքարերով:

Իսկ այստեղ, մութ կամարների տակ,  
ուր պատերի վրայ փորուած են անմաքուր  
և փչացած կերպարանքներ, երևում են վա-  
ճառելի գեղեցկութիւններ այնպիսի կա-  
նանց, որոնք իրենց բունը շինել են մարդ-  
կային արիւնով հեղեղած ասպարիղին կից:

Այստեղ ամբողջովին տիրում է սառն  
տմարդութիւն, ճաշակի նրբութիւն, փար-  
թամուսթեան յափրութիւն և անամօթ վա-  
յելք, հրճուանք...

Այս տեսարանները որքան էլ բնորոշ  
են, յամենայն դէպս համարեա ընդհանուր  
պատկերի մի հաղիւ նշմարելի հատուածն

են ներկայացնում: Բայց հարկաւոր է ժա-  
մանակակիցների մանրամասն նկարագրու-  
թիւնները կարգալ, կամ այնպիսի հեղինակ-  
ներ, ինչպիսին է Դեզյուրի<sup>1</sup> և կոմս Դը-  
Շամպանի,<sup>2</sup> որպէս զի գաղափար կազմենք  
ցոփութեան, ստրկութեան, կեղծաւորու-  
թեան, դատարկութեան և անպիտանու-  
թեան այն խեղդիչ մթնոլորտի մասին, որի  
մէջ ապրում էր այդ ժամանակի բարձր  
դասակարգը, որպէս զի ըմբռնենք այն յա-  
րատե թախիժը, որը այդպիսի հանգա-  
մանքներում իւրաքանչիւր խորհող մարդուն  
մաշում էր: Կեսարների օրով հնարաւոր են  
դառնում հասարակական ազատ գործու-  
նէութեան կատարեալ բացակայութիւնը,  
ընտանեկան կապերի խախտումը, բարքերի  
կատարեալ անկումը և կրօնական զգացում-  
ների մնացաշտութեան ու կոպիտ նիւթա-  
պաշտութեան փոխուելը, — կամ զգուանք  
էին յառաջացնում դէպի այդ անբովանդակ  
կեանքը «taedium vitae», որը վերջանում է  
յաճախ ինքնասպանութեամբ, կամ ստի-

<sup>1</sup> Rome au siècle de Auguste.

<sup>2</sup> Les Césars.



պում էին մարդուն ընկնել անսանձ հեշտա-  
սիրութեան մէջ, որը կարողանում էր դէմ-  
մի առ ժամանակ հանդարտեցնել դատար-  
կութեան տանջող ձանձրոյթը:

Այսպէս էին ապրում այդ ժամանակի  
բաւազոյն առաջաւոր մարդիկ: Իսկ մեծա-  
մասնութիւնը նեղում էր տգիտութեան,  
աղքատութեան և սարկութեան մէջ: Մինչև  
անսանական աստիճան ստորացած մարդ-  
կանց վրայ ոչ ոք չէր մտածում, ոչ ոք չէր  
ընդունում մինչև անդամ նոցա մարդկային  
արժանաւորութիւնները:

Ստրուկը անձնական և ստացուածքի ոչ  
մի իրաւունք չունէր և համարւում էր իր  
տիրոջ իրը, սեփականութիւնը: Մինչև ան-  
գամ որդիները իրեն չէին պատկանում, այլ  
տիրոջը, կարծես թէ ձիւս կամ կովի աճում  
լինի: Ազգանուն ևս չունէր և նրան կան-  
չում էին ուղղակի որ և է մականունով:  
Ստրուկների մահուան և կեանքի իրաւունքը  
կախուած էր իր տէր քաղաքացուց և շատ  
հեշտ է երևակայել, թէ այդպիսի մի իրա-  
ւունք ինչպիսի շարագործութեան առիթ-  
եղած կլինի գոռոզ և անգութ բռնակալ-  
ների համար, որոնք միշտ սարսափում էին

այդ բազմութիւ և յուսահատութեան հա-  
ցրած տանջւողների խռովութիւնից: Այս  
անուր և բթացած ամբոխի իւրաքանչիւր  
հայեացքին և շարժմունքին նոքա կասկածա-  
ւոր կերպով հետևում էին և բաւական էր որ  
դոցանից որ և է մէկը ամենաչնչին սխալն  
անէր ծառայութեան մէջ կամ տիրոջ տուած  
որ և է նշանը ճակատէր, որ սարսափելի պա-  
տիժներ կրէր: Թշուառներին հեծում էին  
երկաթէ շղթաներով, պատառոտում էին  
սուր կարթերով և դրոշմահարում շիկացած  
երկաթով: Խաղաղ դիշերը Հոսմի փողոցով  
անց ու դարձ անողները յաճախ լսում էին  
հառաչանքներ, մտրակի հարուածներ և  
շղթաների ձայներ այն խոնաւ ու խեղդիչ  
նկուղներից, ուր դիշերները ստրուկները  
պահւում էին ոչ այլ կերպ, եթէ ոչ միայն  
պատերին դամաձ: Ստրուկը չէր կարող բա-  
րեկամանալ մէկի հետ կամ մօտ լինել ըն-  
կերներից որ և է մէկին, որովհետև իւրա-  
քանչիւր նման դէպքերում տէրը միաբա-  
նութիւն և դաւադրութիւն էր տեսնում:  
Վերջապէս հիւանդ և հաշմանդամ ստրուկը,  
որպէս անօգուտ կենդանի, դուրս էր ձգ-  
ւում Տիրբոսի կղզիներից մէկը, որտեղ և

39839-67





մեռնում էր առանց որ և է խնամքի: Մինչև  
անգամ օրէնքը գթասրտութեամբ չէր վե-  
րաբերում այդ դժբախտներին և թէպէտ  
մի քանի կայսրներ իրենց օրէնագրութիւն-  
ներով աշխատում էին թեթեացնել դրանց  
վիճակը, բայց մինչև անգամ լաւագոյն կե-  
սարներ ժամանակավորոյթ էր, որ որ և է  
մի տիրոջ պատկանող սարուկներին, որոնք  
երբեմն մի տան մէջ հարիւրներով էին լի-  
նում, բոլորին էլ կոտորում էին, եթէ դո-  
ցանից մէկն ու մէկը յանդգնել էր սպանել  
տիրոջը: Ամենայնչին հետախուզութիւնների  
համար գործադրում էր տանջանք (пытка),  
իսկ խաչի վրայ մահը ամենատօրական  
պատիժներից էր:

Մարդկութեան համար հռոմը շատ  
բան է արել, բայց նրա ամբողջ փառա-  
ւոր պատմութիւնը այսպիսի յանցանքների  
քաւութեան համար միջոց չի կարող ծա-  
ռայել:

Իսկ ինչպէս է գաւառների վիճակը,  
որ ձեռք էին բերուած սրով և կառա-  
վարում բռնագատութեամբ: Կասկածելի է,  
որ նուաճողներից ստացած գաւառների  
միատեսակ քաղաքակրթութեան բարիքները

կարողանային վարձատրել այն կանոնաւոր  
յափշտակութիւնների, աւերումների և ըս-  
տըրկութեան փոխարէն, որին ենթակայ էին  
հոսմայեցիներից նուաճած ազգերը: Դրանց  
գառն վիճակը կարելի է համեմատել միայն  
այժմեան Օսմանեան տէրութեան քայեա-  
ների վիճակի հետ, իսկ գաւառական վար-  
չութեան գլուխ կանգնած պրօվոնսուլներին՝  
հին ժամանակի փաշաների հետ: Երբ այդ-  
պիսի մի կառավարիչ մուտք էր գործում  
իր գաւառի մայրաքաղաքը, կարծես թըշ-  
նամիների զօրքը դրաւում է այդ քաղաքը:  
«Մեր գաւառները հառաչում են, գրում էր  
դեռ Կիկերոն, ազատ ազգերը գանգատ-  
ւում են, աշխարհի բոլոր պետութիւնները  
մեր հարստահարութիւնների և գազանու-  
թիւնների դէմ բողոքում են: Մինչև ով-  
կիանոս չկայ մի այնպիսի հեռաւոր և գաղտ-  
նի երկիր, ուր մեր անարդարութիւնները  
և բռնակալութիւնը մուտք չգործէին: Հոռո-  
մայեցի ժողովուրդը այլ ևս անզօր է տա-  
նել ազգերի ոչ թէ ասպատակութիւնները  
և կոլիւնները, այլ դրանց հեծեծանքներն ու  
արտասուքները»: Եւ այսպիսի զայրոյթով է  
արտայայտում այն մարդը՝ որը, փոքրիկ Կի-



լիկիան ընդ ամէնը մի տարի վարելով, միւ-  
լիօն սիստերցիա ձեռք բերեց: Իսկ ինչ  
ասել ուրիշներին՝ աւելի քիչ բարեհոգի կա-  
ռավարիչների համար: Ի՞նչ ասել նահանգ-  
ների սարսափելի տնտեսական սպառնան  
մասին, երբ բացի պրօֆօնսուլների և պաշ-  
տօնեաների խմբի մասնաւոր թալանից, ըն-  
կած էր նոցա վրայ պետական հարկերի  
ամբողջ ծանրութիւնը, որի հաւաքելու ժա-  
մանակ սովորաբար տեղի էր ունենում կա-  
պալառուների կողմից հարստահարութիւն-  
ներ, չունեւորների համար տանջանքներ և  
որա նման արհաւիրքներ:

Պէտք է պատկերացնել այս սակաւա-  
թիւ ընտրեալների ամբողջ աշխարհը, որոնք  
թաղուած հարստութեան և վայելքի մէջ,  
դարձեալ տանջուով էին անելանելի անձ-  
կութիւնից, և մշտական դժբախտութեանց  
դատապարտուած միլլիօնաւոր իրաւազուրկ  
մարդկանց, պէտք է պատկերացնել սան-  
ձարձակ եսապաշտութեան և սարսափելի  
տանջանքների այս աշխարհը, և միայն  
այն ժամանակ կգնահատենք անհուն յե-  
ղաշքման իմաստը, որ առաջադրեց աւե-  
տարանական վարդապետութիւնը:

Երբ Գալիլիական ծովեզրից հնչեցին  
«սիրեցէք ձեր մերձաւորներին, ինչպէս ձեր  
անձը» մխիթարական խօսքերը, արդարև  
այս մեծ նորութիւն, ուրախ «աւետիք» էր  
մարդկութեան համար: Լաւագոյն յա-  
րաբերութիւնների մի ամբողջ հեռանկար,  
ամբողջ երջանիկ ապագայ բացուում էր նոցա  
առաջ: Հասարակութեանը տանջող չարիք-  
ներին առաջին անգամ բուժիչ դաղտնիքը  
դատուեցաւ. անհասկանալի ոյժը կեանքի  
մէջ մտաւ, որպէս զի ջերմացնի, ազնուացնի  
և երջանկացնի նրան:

Այդ ոյժը սէրն էր:

Պէտք է սիրել, հաճոյ լինելու համար  
Աստուծոյ, երջանիկ լինելու համար երկրի  
վրայ, սիրել ոչ միայն մերձաւորներին և  
արիւնակիցներին, այլ բոլորին և իւրաքան-  
չիւրին, մինչև իսկ թշնամիներին, — և ապ-  
րել ուրիշների համար այնքան, որքան և իր  
համար: Այն ժամանակ կեանքը գին և հե-  
տաքրքրութիւն կստանայ, նրա ուրախու-  
թիւնը ձանձրալի չի լինի և կթեթեւանան  
նրա դժբախտութիւնները: Կարող է ար-  
դեօք, որ և է փիլիսոփայութիւն այսպէս  
հասարակ, ճիշտ և մի և նոյն ժամանակ այս-



քան խորը լուծել երկրային գոյութեան խնդիրը և ցոյց առնել նրան առաջնորդող օրէնքը:

«Երանի աղքատաց հոգևով, հեղոց, ողորմածաց, երանի այնոցիկ, որ սուրբ են սրտիւք, երանի խաղաղարարաց, — երանի սգաւորաց, երանի որ հալածեալ իցեն վասն արդարութեան, — եկայք առ իս ամենայն վաստակեալք և բեռնաւորք և ես հանգուցից զձեզ» ... Երկնային լեզու էր սա, անձանօթ բոլորովին այդ ժամանակի աշխարհին: Այս կերպ խօսել, նշանակում է մարդկային սրտի վրայ իշխելու հաստատուն ճանապարհ բաց անել, բայց այդպէս խօսել հոովմէական պետութեան կարգերի ժամանակ, նշանակում էր միլլիօնաւոր մարդկանց անյոյս տանջանքների վրայ այնպիսի բուժիչ սիրտանք թափել, որ միւս անգամ այդ ձայնը լսելուց յետոյ, մարդիկ նրան հեռու են դէպի տանջանքներ, հալածանք և մահ:

Կրթուած և այլակերպած Աւետարանով, մենք այժմ ընտելացել ենք նրա մարդկային ոգուն և իւրաքանչիւր օր Փրկչի ազօթքն ենք կարգում առ Աստուած, յաճախ

և կանգ չառնելով այն բանի վրայ. — Ինչպիսի վեհ դաղափար է պարունակում նրա հասարակ սկզբնական խօսքերի մէջ — «Հայր մեր, որ յերկինս ես»: Սոցա անհուն իմաստը իր ամբողջ խորութեամբ ամենից աւելի պատմաբանօրէն է ըմբռնուած: Ամենամեծ անհաւասարութեան, որպիսին երբ և իցէ տեսել էր աշխարհս, և հասարակական երկնաբողոք անարդարութիւնների ժամանակ, որ տեղի ունէին Հռովմում, այս բառերի մէջ հասկացողութիւններին և զգացմունքներին արմատապէս հակառակ, մարդկութեան նոր իդէալ է առաջ դալիս: Բոլոր մարդիկ եղբայրներ են և իրենց անսահման սիրող երկնային մի և նոյն Հօր սրդիք ... Հեթանոսական հնութիւնը իր քառասուն դարեան զարգացմամբ անզօր էր մինչև այսպիսի հասկացողութեան աստիճանը բարձրանալու, իսկ մեր ժամանակը իր հպարտ առաջադիմութեամբ չկարողացաւ մի աւելի կատարեալ բան ստեղծել, պէտք է ենթադրել, որ հեռագոյն ապագան ևս երբէք չի գերազանցի դրան:

Ուրեմն «սիրոյ վարդապետութիւնը», որ փոքր առ փոքր փոխեց մարդկային կեանքի



ամբողջ կազմութիւնը և իմաստը, — ահա առաջին և գլխաւոր կրթական ծառայութիւնը, որ արել է քրիստոնէութիւնը պատմութեան մէջ, — և ամենահամարձակ բանապաշտութիւնը (рационализм) միշտ պիտի խոնարհուի:

Ապա ինչ որ Աւետարանը պատմաբանորէն ուսումնասիրողին ապշեցնում է, նրա վսեմ «հոգեւորութիւնն» է, որ տարածուած է ամբողջ այդ ստեղծագործութեան մէջ:

Վարդապետելով միայն հոգեւոր շահերի՝ ճշմարտութեան, արդարութեան և բարութեան կարեւորութիւնը, խոնարհութեան, ինքնազոհութեան և բարոյական սրբութեան հրաւիրելով, քրիստոնէական ուսումը և այս մտքով մի կտրուկ բողոք հանդիսացաւ հին աշխարհը ապականող սարսափելի անբարոյականութեան, նիւթապաշտութեան և զգայականութեան դէմ:

Այս «հոգեւորութիւնը» արտայայտուում է Փրկչի քարոզներում երեք գլխաւոր գաղափարների մէջ, որոնք այսպէս ասած իշխում են բոլոր մասնաւոր դէպքերի վրայ, որոնց առթիւ Աստուածային Վարդապետը ուսուցանում էր փրկութեան և կեանքի իր խօսքը:

այդ երեք գաղափարներն են՝ հոգու տիրապետութիւնը բոլոր ձևերի վրայ, հոգեւորի տիրապետութիւնը բոլոր նիւթականի վրայ, և նախապատիւ նշանակութիւնը, որ ընծայուում էր անհատական կեանքին հասարակական և քաղաքական գործունէութեան վերաբերմամբ:

Աւետարանի այս առանձնայատկութիւնների վրայ առանձին առանձին կանգ առնենք, որովհետև գլխաւորապէս սրանցով է որոշուում հեթանոս հնութեան ամբողջ ոգու աւետարանի հակառակ լինելը:

Որպէս զի առաջին գաղափարի պատմական արժէքը որոշենք, անհրաժեշտ է յիշել, որ հին և մանաւանդ կլասիք ազգերի քաղաքակրթութեան տիրող բնոյթը պլաստիկան էր, որով հոգեւոր բովանդակութիւնը վեր էին ածում սահմանաւոր և ըմբռնելի հաստատուն ձևերի: Եւ թէպէտ այս յատկութիւնը շատ էր նպաստում անտիկ կեանքի ձևերի անսովոր գեղեցկութեան և կատարելիութեան, բայց միւս կողմից ամենագլխաւոր պատճառն է հանդիսանում, որ հին կրթութիւնը դանդաղ է շարժուում և վերջանում է կատարեալ անշարժութեամբ, երբ,



այսպէս առած, հոգևոր բովանդակութեան այն որոշ պաշարը ստացուեց, թողնելով միայն իրանից յետոյ փայլուն, բայց դատարկ ձևեր: Նախաքրիստոնէական շրջանի վերջին դործունէութեան շրջաններում ընդհանուրի համար մանաւանդ առելի է դառնում ոգու այսպիսի նուաւստանալը, - և կեանքը սակաւ առ սակաւ դառնում է ծէս, որի հոգին վաղուց արդէն հեռացել էր:

Որպէս զի մարդուն նորոգենք նոր, անսպառ բարոյական կեանքի համար, ամենից առաջ նրա հոգու անյաղթելի ոյժերի և սեփական զօրութեան մէջ պէտք է վրստահութիւն և համարձակութիւն ներշնչել: Եւ ահա հնչում է Փրկչի ձայնը. «եթէ հաւատ ունիք և չէք կասկածում, ասացէք այս լեբան, — թող տեղից շարժուի և ընկնի ծով, - և կլինի»: Ոչ մի ժամանակ մարդկային ոգին չէ հասել այնպիսի զարմանալի բարձրութեան, ինչպէս այս խօսքերի մէջ. և ոչ մի ժամանակ աւելի հաստատ և բացարձակ կերպով չէ արտայայտուել այն համոզմունքը, որ հոգին է տիրապետում աշխարհիս վրայ: Երկրիս վրայ բոլորը, նոյն ինքը բնութիւնը, պէտք է հպատակեն այսուհետև ոգու վե-

հագոյն կամքին և մտքին:

Յետոյ մենք տեսնում ենք, թէ ինչպէս այս դաղափարից Աւետարանի յարատև ձգտումն է բղխում, այն է ազատել մարդուն բոլոր ձևերից, սիմբոլներից և ծէսերից, որոնք մի ժամանակ արգելում էին նրա զարգացողութիւնը ու կաշկանդում նրա հանճարի ազատ թռիչքը: Փրկչի կրօնը բոլոր կրօններից ամենապայծառն և ամենամաշկլին է: Լցուած անկեղծութեամբ, պարզութեամբ և ճշմարտութեամբ, Փրկչի կրօնը թէ ամբողջ աստուածաշատութիւնը և թէ ամբողջ բարոյականութիւնը կապում է սրտի ձայնի և մարդու խղճի հետ: Այստեղից հասկանալի է փարիսեցիական իմաստութեան և բարեպաշտութեան անխնայ անարգելը, որովհետև սրանք հիմնուած էին օրէնքի արտաքին ձևականութեան վրայ, ինչպիսին նրա մէջ պատահում ենք ամեն քայլափոխում: Սրանից յետոյ ոչ ծէսը և ոչ էլ տառը էական նշանակութիւն ունին, այլ ոգին, մարդու մտքը, ինչ ձևերով նա արտայայտուէր, — «որովհետև մարդոյ Որդին շաբաթուայ տէրը դարձաւ»: Այդ ժամանակից արդէն դռներ կբացուի դէպի-



մարդկութեան անվերջ կատարելիութիւնը և այնուհետև մարդկութիւնը չի ճնշուել այլ ևս կեանքի ոչ մի մշտական ձևով, կսկսի տիրապետել նրան, ստեղծել և քանդել այդ ձևերը օրէնքների և իրաւունքների պահանջների համաձայն:

Աւետարանի վարդապետութիւնը՝ հոգևորի տիրապետութիւնը զգայականի վրայ՝ ունի նաև պատմական բաղմակողմանի նշանակութիւն: Հարկաւոր է թեթև կերպով հետևել կեանքի անհատական, հասարակական և քաղաքական շրջաններում հեթանոսական հնութեան բնաւորութեանը, որպէս զի հասկանալի լինին Փրկչի վարդապետութեամբ դոցա մէջ առաջացած փոփոխութիւնները:

Ինչ վերաբերում է հին մարդու ներքին կամ հոգեկան կեանքին, պէտք է ասել, որ այն պատճառով էր կրում իր մէջ անխուսափելի նիւթապաշտութեան սերմերը, որովհետև զգայականութիւնը խորապէս արմատ էր ձգել այս կեանքի հէնց կեդրոնում և աղբիւրում, այսինքն կրօնական հասկացողութիւնների մէջ: Յիշենք այստեղ, որ եթէ ի նկատի չառնենք հին ժամանակի փի-

լիստիայական և աստուածգիտական սխառեմները, որոնք յատուկ էին քչերին՝ շատ զարգացած ընտրեալներին, — հին աշխարհի սովորական ժողովրդական կրօնները «բնական» կրօններ էին: Զարգացման ստորին աստիճանի վրայ կրօնները սահմանափակուում էին միայն բնութեան մէջ եղած նիւթական առարկաներին — այսպէս ասած ֆէտիշներին երկրպագութեամբ, իսկ բարձր աստիճանի վրայ բնութեան ոյժերը զանազան պատկերների և սիմբոլների մէջ մարմնացած աստուածացներով: Բայց թէ այստեղ թէ այնտեղ ամենուրեք տեսնում ենք բնութիւնը, որ իր իշխանութեամբ, հզօրութեամբ ծանրանում է մարդու ազատ գիտակցութեան վրայ: Հին ժողովրդների հաւատալիքների մեծ մասը կախուած էր այն երկրների տեղական պայմաններից, որի մէջ ապրում էր ժողովուրդը: Այսպէս օրինակ՝ Եգիպտացին իր կրօնական հասկացողութիւնների մէջ իր երկրի տեղական առանձնայատկութիւնները աստուածացնում էր: Նեղոսի հովտի պտղատու հողը բարբեր Իզիդի անուամբ պաշտուում էր, — Նեղոսը, որ բերում էր պտղաբերութիւն և



արև, որի պարբերական հոսանքի հետ կապուած են նրա հեղեղները, պաշտուում էր վեհագոյն Օզիրիսի պատկերով, որ աղբիւր է ամեն բարեաց, իսկ սարսափելի հարևան անապատը, որ աղբիւր է մահուան և չարեաց, պաշտուում էր չար ոգի Տիֆոնի պատկերով: Եւ ինչ էլ որ լինէր այն յետագայ վերացական զարգացումը, որ ապագայում այս պաշտամունքները ստացան քուրմերի ջանքերով, կասկած չկայ, որ դրանք սիրգբոււ ունէին այս պարզ նիւթական միտքը, իսկ ժողովրդի մէջ այդպէս մնացին մինչև ամենաուշ ժամանակները: Նոյնպէս է զարգացել հին իրանական ազգերի երկու դերագոյն աստուածների պաշտամունքը: Ահուրա-Մազդի և Ահրի-Մանի կամ ըստ սովորական ասութեան Որմզդի և Արեմանի պաշտամունքը առաջացել է, ինչպէս ճիշտ ենթադրում են, լեռնոտ, պայծառ և երկրագործ իրանի ու հարևան վայրենի, անապատ, վայրագ թափառական ցեղերով բնակեցրած թուրանի զօրեղ հակադրութիւնից: Այս երկու երկրների սոյն թշնամութիւնը գուցէ բարւոյ և չարի ծագման, լուսոյ և խաւարի թաղաւորութեան միջի յարաւ

կռուի պատկերով արտացոլել է այդ երկրների բնակիչների կրօնական հաւատալիքի մէջ: Յոյն-իտալական ժողովրդի սիրգբնական կրօնական հակացողութիւններն ևս ունեն սոյնպիսի զգայական բնաւորութիւն: Դեմետրա, Հերմէս, Պերսեֆոն, Հագէս, — Հելլադի պերագգեան պաշտամունքների ամբողջ շրջանը Կ. Օ. Միւլլերի և Պրելլերի կարծիքով խթոնեան առտուածութեան մի շարք է ներկայացնում կամ իր նիւթական բնութեան ոյժերի պաշտամունք: Մինչև անգամ Հոմերոսի ժամանակ, երբ յոյների հաւատը հետզհետէ որոշ անարօպոմորֆիկ բնաւորութիւն էր ստացել, պաշտամունքի գլխաւոր առարկայ կազմում էին մարդու յատկութիւնները, ոյժը և քաջութիւնը, այսինքն Փիդիբական և բարոյական բնութիւնը կրօնին էլի բովանդակութիւն էր տալիս:

Սորա համար է, որ հեթանոսական աշխարհի բոլոր աստուածութիւնները մասնակի հետաքրքրութիւն ունին: Նրանք, անխղճի կերպով կապուած են իրենց տեղի և ցեղի կամ մինչև անգամ տարբեր առանձին դասակարգերի և տոհմերի հետ, որոն-



ցեղ գուրս ոչ մի միտք չունէին: Եթէ ժողովուրդը թողնում էր իր հայրենի երկիրը կամ երբ կրօնական հասկացողութիւնները տեղափոխուում էին ուրիշ տեղ, խոյն կորցնում էին իրենց ամբողջ կենդանի նշանակութիւնը: Կայսերական շրջանում հռոմը աչքի ընկնող օրինակը կժառույց, ուր հաւաքուել էին այդ ժամանակի աշխարհի բոլոր կրօնները, այնպէս որ ըստ Պետրոսի սրամիտ արտայայտութեան, քաղաքում աւելի շատ աստուած կար, քան մարդիկ: Բայց այս անթիւ պաշտամունքները, որ զանազան վայրերից և պետութեան բոլոր սահմաններից փոխադրուելով այստեղ՝ նոր, իրենց համար օտար տեղի վրայ, բնականաբար պէտք է կորցնէին իրենց առաջուայ ոյժը: Նեղոսի ավերին Իզիդրի երկրպագութիւնը, ի հարկէ, ունէր իր նշանակութիւնը, բայց փոխադրուելով Խոալիա, ուր չկար ոչ Նեղոսի հովտի հողը և ոչ էլ գետի պարբերաբար հեղեղումը, անբովանդակ հանդիսացաւ և դատարկ ու լոկ ծիսակատարութիւն դարձաւ:

Այստեղից է ընդհանրապէս հին կրօնների վաղանցուկ լինելը և զարմանալի շու-

տափոյթ անկումը քրիստոնէութեան դարգացող յաջողութիւնների առաջ, որը ընդհանուր, համամարդկային և գուտ հոգեւոր կրօն էր և չէր կապուած ոչ ազգի, ոչ տեղի և ոչ էլ ժամանակի հետ: IV և V դարերի ազգերի մեծ շարժումը, ցեղերի գաղթի այդ մեծ շրջանը մի և նոյն ժամանակ մի շրջան էր, ուր Աւետարանը հեթանոսութեան վրայ վերջնականապէս փառաւոր յաղթութիւն տարաւ: Թողնելով իրենց հայրենիքի սարերը ու դաշտերը, թողնում էին նախաև սրանց հետ կապուած կրօնական հասկացողութիւնները և օտար ու անծանօթ տեղեր էին բերում իրենց ազատ սրտերը, որոնց մէջ Աստուծոյ խօսքը հեշտութեամբ էր գտնուում ընդունակ հոգ: Արեւմտեան հոգեւորականութիւնը մեծ դժուարութիւն չէր կրում քրիստոնէութիւնը ընդունել տալ գոթերին, Ֆրանկներին, բուրգունդներին և ուրիշ գերմանացոց, որոնք թողել էին իրենց հին հիւսիսային հայրենիքը, բայց Կարլոս Մեծը ստիպուած էր երեսնամեայ աւերիչ պատերազմով լուսաւորել սակսերին, գուցէ այդ նորա համար, որ հիւսիսային — գերմանական սակսերը երկար մնալով էլբայի մօտիկ եր-





կըրնեքում՝ որտեղ իւրաքանչիւր բլուր, իւրաքանչիւր աղբիւր նրանց համար որ և է սուրբ նշանակութիւն ունէր, դրա հետ էլ միասին յամառ կերպով մնում էին իրենց հին կրօնական հասկացողութիւնների մէջ։

Կրկնում ենք, որ Աւետարանը ոչ տեղական և ոչ էլ ցեղական բնաւորութիւն ունի։ Իր սկիզբը ոչ թէ զգայական կամ նիւթական տպաւորութիւններից է առնում, այլ ի վերուստ հոգեւոր լուսաւորութիւնից։ Հրատարակելով, որ «Աստուած հոգի է և նրան պէտք է հոգով և ճշմարտութեամբ երկրպագել», Աւետարանը սրանով մարդկութեան կրօնական գիտակցութեան մէջ մի մեծ յեղաշրջում է առաջ բերում։ Այսպիսի մի գաղափար, որ մեզ համար պարզ և բնական է թւում, շատ հին ժամանակներում անթիւ միլլիօնաւոր մարդկանց համար իսկական մեծ գիւտ էր. այդ գաղափարը զրկեց բնութեանը նախնի ամենակարողութիւնից և աստուածայնութիւնից և ցածրացրեց նրան մինչև ծառայական հլու հնազանդ նիւթի աստիճանը։ Հենց դրանով մարդկային հոգու համար, որ այդքան երկար ճնշուած էր նրա իշխանութեան տակ, ճանապարհ բացուեց

դէպի բազմակողմանի զարգացողութիւն և յառաջագիմութիւն։

Մոյնպիսի մի փոփոխութիւն Աւետարանը յառաջ է բերել նաև հին աշխարհի հասարակական կեանքում։

Յայտնի է, որ հին ժամանակ պետական կենցաղավարութեան աղբիւր և գըլխաւոր կենսական սկզբունք համարում էր տոհմական, ազգակցական և արևնակցական կամ ուրիշ խօսքերով նիւթական և զգայական մի և նոյն ֆիզիքական բնութիւնը, որ հին մարդու հոգեկան կեանքի վրայ իշխում էր, բնորոշում էր նաև սոցիալական յարաբերութեանց բնաւորութիւնը։

Որպէս զի փաստօրէն համոզուենք այս բանում, բաւական է մի քանի գլխաւոր կէտերում յիշել նախաբրիտտոնէական զանազան պետութիւնների հասարակական կազմակերպութիւնը։

Սկսելով ամենահեռաւոր և ամենահին արևելքից՝ Չինաստանից, մենք տեսնում ենք, թէ ինչպէս տոհմական սկզբունքը իր սկզբնական բոլոր պարզութեամբ թափանցել է այդ երկրի հասարակական ամբողջ կեանքի մէջ։ Շուկինգի տեսութեամբ



Բողոքիսանը իր հպատակների ընդհանուր հայրն է և անսահման հայրական իշխանութիւն ունի բոլորի վրայ: Իրա մեծ որդիները՝ Մանգարիները, սրանց տեսչութեան ենթարկուած անձինք՝ կրտսերները կազմում էին այս սոցիալական դասակարգութիւնը, որ ընդգրկում է բովանդակ պետութիւնը, այնպէս որ երկու հարիւր յիսուն միլլիոն ժողովուրդը կազմում էր դոնէ դադարիարով մի ընտանիք, որ բնական ճնշման զօրութեամբ զարգացել է մինչև այս ահռելի չափը:

Աստուած պետական տէրութիւնների մէջ, որտեղ հասարակական կազմակերպութիւնը հիմնուած էր կաստաների զանազանութեան վրայ, ինչպէս Հնդկաստանում և Եգիպտոսում; տոհմական սկզբունքը պահում էր նման իսկ ոյժ, որովհետև կաստայական իսկ բաժանումը մեծ մասամբ հիմնւում էր նոցա տոհմական տարբերութեան վրայ: Այսպէս, Հնդկաստանի երեք բարձրագոյն կաստաները՝ բրամաները, կատարաներ և վայսիներ ոչ մտրթու գոյնով, ոչ լեզուով, ոչ էլ մտաւոր ընդունակութիւններով նման չեն չորրորդ կաստա կազմող բնիկ սուղրամներ:

բին —, որոնց նուաճել են հիւսիսից եկած արիական աշխարհակալները: Եգիպտոսի բարձրագոյն կաստաները թերևս նոյնպէս եկւորներ են Մէրօէլից, ինչպէս հնում էին կարծում; կամ փոքր Ասիայից, ինչպէս ենթադրում են այժմեան նորագոյն եգիպտագէտները. բայց անկասկած սրանք եկւորներ են, որոնք նուաճել են Նեղոսի հովտի այլացեղ բնակիչներին, իսկ բնիկներն էլ կազմեցին հասարակութեան ստորագրեալ և իրաւազուրկ դասակարգեր:

Հրէական ազգի հասարակական կազմակերպութիւնը, որ բաժանուած էր տամն և երկու ցեղերի և իւրաքանչիւրը կառավարւում էր հնագոյն ժամանակներում ցեղապետներով կամ աւագներով, նոյնպէս զուտ նահապետական էր: Այս կազմը մասամբ այդպէս էր մնացել մինչև անգամ թագաւորների ժամանակ:

Հին արևելքի բռնապետութիւնների մէջ, — Բաբելոնացիները, Ասորեստանում, Մարաստանում, Պարսկաստանում, — արիւնակցական սկզբունքը պակաս զգալի էր, որովհետև բոլորը, ի նկատի չունենալով ծագումը, մէկի ստրուկներն էին կազմում:



Դա մարդկանց առաջին հաւասարութիւնն էր, ընդհանուր ստրկութեան տխուր հաւասարութիւնը: Մինչդեռ այստեղ ևս ցեղի և արեան առանձնաշնորհումները ամեն մի քայլափոխում պատահում են: Պարսից ազգի տասը ցեղերի բաժանումը, պասսարգադների նախապատուութիւնը միւս ցեղակիցների նկատմամբ, նուաճած ազգերի մէջ պարսիկների տիրապետող դրութիւնը և սրա նման բաղմամբիւ երևոյթներ պարզ վկայ են դրան:

Մինչև անգամ Փիւնիկիայում և Կարթագենում սեմական ցեղի առևտրական—հասարակապետութիւնները ըստ էութեան ոչ այլ ինչ էին, եթէ ոչ մի ծանրակիր տիրապետութիւն, որ բացառիկ կաստայական-ցեղական ազնուական դասակարգը ունէր իրաւազուրկ գաւառական բնակիչների և նուաճուած օտար ցեղերի վրայ:

Ազգագրական սկզբունքի զօրութիւնը աւելի ևս թոյլ էր կլասիք պետութիւններին մէջ: Յունաստանի և Հռովմի ամբողջ պատմութիւնը մի կռիւ էր արևելեան ցեղական և իսկական պետութեան սկզբունքների, որոնց հիմք ծառայում է ոչ թէ ծագումը

և աւագութիւնը, այլ մարդու բարոյական արժանիքը: Երկու երկրների սկզբնական հասարակական կազմակերպութիւնը համարեա նման են և ըստ բնաւորութեան մօտենում են արևելեան նահապետական ձևերին: Հելլադի դիւցազնական շրջանի թագաւորները և Հռովմի թագաւորները ըստ իրենց իշխանութեան բնաւորութեան մօտենում են արևելեան նահապետներին:

Ինչպէս յունական աշխարհում Սպարտան, այնպէս էլ Հռովմէական պետութեան մէջ էտրուսների ցեղը, յետոյ պատրիկների դասակարգը, կազմակերպած արիւնակցական սկզբունքի համաձայն՝ ներկայացնում են ցեղական շահեր: Ինչպէս Սպարտայի խիստ բաժանմունքները՝ սպարտիատների, լակեդեմոնացիները և իլոտների — յիշեցնում են բարբարոս արևելքի կաստաները, այնպէս էլ էտրուսների լուկումոնները և պատրիկ ցեղերի աւագները իրենց նահապետական իշխանութեամբ նայնպէս արևելքն են յիշեցնում: Անհատական բարոյական իրաւունքների վրայ հիմնուած պետական սկզբունքը բաւական զօրեղ արտայայտութիւն էր գտել Աթէնքի հանրապետ-



տութեան մէջ, իսկ Հռովմում՝ պլեբեների համայնքի մէջ: Թէ այստեղ և թէ այնտեղ պետական և ցեղական սկզբունքների մէջ յառաջանում է խիստ կռիւ, բայց միայն ելքը տարբեր է: Յունաստանում դարերով պատրաստած և քսանամեայ եղբայրասպան պատերազմով վճռուած այս կռիւը վերջանում է ցեղական սկզբունքի յաղթութեամբ, որ մարմնանում է դորական Սպարտայում: Ընդհակառակը՝ Հռովմում պլեբեների և պատրիկների դարաւոր կռիւը, որ մասամբ սննի նոյնպիսի նշանակութիւն, վերջանում է կայսրութեան, ինչպէս ռամկապետական դեկատուների հաստատութեամբ, այսինքն պետութեան դաղափարի յաղթութեամբ, որ այստեղ յաղթահարեց ցեղական նեղ սկզբունքը:

Այսպիսով հին դարու ամբողջ կազմակերպութեան և հասարակական կեանքում արքայապետող սկզբունք է հանդիսանում մի և նոյն զգայնութիւնը արիւնսակցական կամ ցեղական յարաբերութեան ձևով. և թէպէտ մի քանի երկրներում, մանաւանդ Յունաստանում և Հռովմում այս բնական կապերը երբեմն մեծ, երբեմն փոքր յաջողութեամբ

դուրս էին ձգւում նոր պետական և բարոյական տարրերի պատճառաւ, բայց այս վէճը վերջնականապէս չէր կարող վճռուել հեթանոսական հնութեամբ, որտեղ նիւթապաշտութիւնը խորը արմատ էր ձգել մինչև անգամ կրօնական հասկացողութիւնների, — այսպէս ասած — ամբողջ պատմական դարգացման աղբիւրի մէջ և հետևաբար անխուսափելի էր նրա արտայայտութիւնը նաև սոցիալական կարգերի մէջ: Մենք տեսանք, չխօսինք էլ առիական արևելքի մասին, որ նոյն իսկ կլասիք ազգերի ձգտումներն՝ ցեղական կենցաղավարութիւնից անցնելու քաղաքացիականին՝ ոչ այլ ինչ էին, եթէ ոչ միայն աւել կամ պակաս յաջող փորձեր: Այս գործում իսկ լիակատար յաղթութեան անգոր էր հասնել հին պետութիւնը, որի հիմքն էր ցեղական հիմնարկութիւններից վատթարագոյնը՝ ստրկութիւնը: Իսկապէս ինչ էր ներկայացնում Աթէնքում հռչակաւոր պերիկլեան ռամկապետութիւնը, այդ անտիկ պետական կազմակերպութեան թաղն ու պատկը, եթէ ոչ մի որ և է քսան հազար արտօնեալ քաղաքացիներով համարեա կէս միլլիօն ստրուկ բնակիչների և օտարերկրա-



ցիւների շահագործութիւնն: Սակայն ոչ միայն կեանքում, այլ և հասարակական իդէալներում, իր ամենամեծ երազանքների մէջ հնութիւնը ցեղական հասկացողութիւնների նեղ մակերեւոյթից չկարողացաւ բարձրանալ: Բաւական է յիշել Պղատոնի «հասարակապետութիւնը», որտեղ անտիկ աշխարհի «աստուածային իմաստունը» աւելի կատարեալ բան չէ գտնում իր իդէալական պետութեան համար, քան Սպարտայի ազնուապետական — ցեղական ձևերը հաշտեցրած միայն գիտութեան հետ:

Մարդկութիւնը աւետարանական վարդապետութեան՝ քրիստոնէութեան է պարտական, որ վերջնականապէս և անդառնալի կերպով դատապարտութեան մատնուեցին արիւնակցութեան նեղ հասկացողութիւնները և նախապաշարումները:

Յիրաւի, Փրկիչը թէ խօսքով, թէ գործով, թէ վարդապետութեամբ և թէ իր կեանքով միշտ պարզաբանում էր այն մտքը, որ մարդու համար ամենամեծ արժէք պիտի ունենան հոգևոր կապերը և շահերը, որոնց համար պարտաւոր ենք զոհաբերել բոլոր ամենաթանկագին մարմնական ձգտումները:

«Նա չէ արժանի ինձ, ասում է Փրկիչը, ով իր ծնողներին կամ դստեր կամ տղային ինձնից շատ է սիրում, իմ յետեւից նա չի գայ և իմ աշակերտ չի լինի նա, ով յանուն իմ չի ատի հօրը, մօրը, կնոջը և երեխաներին, որ թշնամի չի անուանի տնայիներին, արիւնակիցներին և իր սրտի մօտ մարդկանց»: Միթէ այստեղ պարզ չէ յայտնած այն մտքը, որ հոգևորի, ճշմարտութեան, բարութեան և խելացի բարձր ձգտումների համար մարդ պէտք է զրկուի իր բոլոր արիւնակցական կապերից և ձգտումներից, պէտք է զոհէ իր սեփական կեանքը, ինչպէս Փրկիչը զոհեց իր կեանքը մարդկութեան բարիքի և երջանկութեան համար: «Եւ ով ինձ համար, ասում է նա, իր հոգին կորստեան կմատնի, կփրկէ նրան»: Բայց այս տեսակէտից աւելի զարմանալի է Մարկոս աւետարանչի նկարագրած հետևեալ տեսարանը: Փրկիչը տան մէջ սովորեցնում է ժողովրդեան և լսողների ամբողջ բազմութիւն շրջապատել էր նրան: Այդ ժամանակ նրա մօտ նստողներից մէկը ասում է. «ահա քո մայրը, եղբայրները և քոյրերը քեզ փնտրում են»: Այն ժամանակ



Քրիստոս ցոյց տալով իր ուղնդիրներին, ասում է. «ահա իմ մայրը և իմ եղբայրները. ով կատարում է իմ երկնաւոր Հօր կամը, նա է իմ եղբայրը, քոյրս և մայրս»:

Այս խօսքերը պարունակում են նոր մարդկութեան ամբողջ ապագան և սերմը այն արմատական յեղաշրջման, որը դարեր շարունակ կերպարանափոխում է նրա հասարակական յարաբերութեան ամբողջ կազմը:

Այդ ժամանակից սկսած արդէն մինչև անգամ կենդանիներին ևս յատուկ արիւնակցական բնազդը այլ ևս չի կարողանայ բացառիկ կերպով առաջնորդել մարդկանց յարաբերութիւններին, բայց աւելի և ամենից առաջ կգնահատուի անհատի բարոյական արժանիքը, ինչպէս նոր հասարակական կարգերի սկզբունք և հիմք: Այդ ժամանակից պարտքի կոչը, ճշմարտութեան և բարութեան ձայնը լսելով, «որդին իր հարազատ Հօր դէմ կեցնէ և կբաժանուի, աղջիկը մօր դէմ և հարսը սկեսրոջ»: Այդ ժամանակից սկսած խաղաղութիւնը կկորսուի, նոյն իսկ ընտանեկան յարկի տակը և ընտանեկան օջախը վէճերի և ընդհարումների ասպարէզ կդառնայ: Բայց այդ վէճերի, մըշ-

տատե կռուի և շփոթութեան ժամանակերկեր կիջնէ Աստուծոյ արքայութիւնը, որ ճշմարտութեան, սիրոյ, ազատութեան և ամենաբարձր հոգևոր ներդաշնակութեան արքայութիւն է:

Մարդուս չէ յաջողում էժանադին և թեթև կերպով բարոյական վաստակ ու յաղթութիւններ ձեռք բերել: Այնպէս էլ այստեղ. նրանից պահանջում է զոհեր, այն էլ ծանր և մինչև անգամ հակաբնական, բայց մի և նոյն ժամանակ անխուսափելի, որովհետև այդ զոհաբերութիւնների պայմանով միայն հնարաւոր է թէ անհատական կատարելագործութիւնը և թէ կեանքի ամեն մի ասպարիզում յառաջադիմութիւնը: Յեղական կապերը ըստ իւրեանց բնութեան մարդու բանաւոր գործունէութեան և բարոյական ազատութեան համար խիստ նեղ, սահմանափակ շրջան են ներկայացնում: Նահապետական արևելքը իր մտաւոր անշարժութեան մէջ քարացաւ, մինչդեռ կլասիք աշխարհում, ուր առաջին անգամ յաջողութեամբ զարգացան պետական կեանքի սկզբունքները, մենք գտնում ենք պատմութեան առաջին շարժումը և զարգացումը:



Միայն քրիստոնեայ Եւրոպային յաջողեցաւ  
ունենալ քաղաքակրթութեան այնպիսի լայն  
զարգացում, որի մասին հնում ամենաթոյլ  
հասկացողութիւն անգամ չկար:

Սրանից յետոյ բնական է, որ զգայա-  
կան կամ արիւնակցական բնազդերը տեղի  
տալով Աւետարանի հոգևոր սկզբունքների  
աստիճանաբար ազդեցութեան, չէին կարող  
այլ ևս անարգել իշխել նաև միջազգային  
յարաբերութիւնների մէջ:

Ի հարկէ, բոլորին յայտնի է, թէ ինչ-  
պէս հին կեանքի այս կողմը զօրեղ կերպով  
պայմանաւորուում էր այդպիսի արիւնակցա-  
կան ձգտումներով: Մինչև անգամ ամենա-  
կրթուած յոյների աչքում օտարականները  
բնական թշնամի էին հանդիսանում, որոց  
արհամարհանքից և առելութիւնից զատ ոչ  
մի բանի արժանի չէին համարում: Նրանց  
նշանաւորագոյն փիլիսոփաները, օրինակ Ա-  
րիստոտելը, չէին կասկածում, որ բարբարոս-  
ները, այսինքն օտարները, հէնց ծագմամբ  
արդէն նշանակուած են ստրուկ լինելու: Սոյնպիսի համոզմունքով էր հռովմայեցին  
ամենաձանր լուծ դնում իր նուաճած ազ-  
գերի վրայ, յաճախ չկասկածելով անգամ,

որ այդ արդարութեան և պարտքի հակա-  
ռակ է:

Ընդհակառակը առաջին անգամ քրիս-  
տոնէութիւնը ազգերի մէջ բարոզեց փոխա-  
դարձ եղբայրական սէր: Քրիստոնեան ամեն  
մի մարդու մէջ, ինչ ցեղից էլ լինի և ինչ  
ծագում էլ ունենայ, պիտի յարգէ նրա  
բարոյական արժանիքը և հրէան, որ խու-  
սափում էր և առում օտարականին, եղբայր  
դարձաւ սամարացուն: «Այլևս խտրութիւն  
չկայ ոչ հրէայի, ոչ հեթանոսի, ոչ ստրկի,  
ոչ տիրոջ, ոչ ամուսնոյ և ոչ կնոջ մէջ, որով-  
հետև Քրիստոսով բոլորը էլ հաւասար էք:»  
Այսպէս էր գրում հեթանոսների մեծահըռ-  
չակ առաքեալը, պարզելով այս խօսքերի  
մէջ մարդկութեան պատմութեան նոր շք-  
ջանը:

Յեղերի նախկին թշնամութիւնների  
թուլանալովը չքանում էր նոյնպէս այն ա-  
ռանձնութիւնը և խորթութիւնը, որոնց  
պատճառով հին ազգերից իւրաքանչիւրը  
ապրում էր առանձին կեանքով իր տեղա-  
կան, ներքին յարաբերութիւնների շրջա-  
նում, մնալով և ծանօթանալով օտարական-  
ներին՝ գլխաւորապէս պատերազմի միջոցաւ:



Ճիշտ է, որ Ստոյիկեան փիլիսոփայութիւնը անտեղեակ չէր կոմմապօլիտ ձգտումներին, իսկ հռովմը իր աշխարհակալութիւնների հսկայական համախմբման մէջ իր զէնքի ոյժով և օրէնսդրութեամբ մասամբ իրակա- նացնում էր այդ- Բայց միայն աւետարանը տարածելով ամեն կողմ ազգերի մէջ գործու- նեայ սէր և հոգևոր եղբայրութիւն, վերջ- նականապէս և հաստատուն կերպով հաս- տատեց համաշխարհային քաղաքակրթու- թեան գաղափարը իր անսպառ ապագայով և ընդհանրութեան օգտին հնարաւոր դար- ձրեց այն աշխատանքը, որով այժմ ամե- նահեռաւոր երկրներ և մարդկութեան ամե- նատարբեր ցեղեր կապուած են միմեանց հետ:

Ահա այսպիսի բնաւորութիւն ունի այն բարոյական յեղաշրջումը, որ քրիստոնէա- կան վարդապետութիւնը արել է կեանքի բոլոր շրջաններում, թէ միջազգային քա- ղաքականութեան, թէ հասարակական յա- րաբերութիւնների և որ կարևորագոյնն է, մարդու հոգու մէջ:

Մնում է այս հոգևոր յեղաշրջման վեր- ջին տեսակի վրայ հայեացք ձգել, թափան-

ցել հասարակական և քաղաքական կեանքի նախապատու նշանակութիւն ունենալու դա- ղափարի մէջ, որը Աւետարանի և անտիկ կեանքի ամբողջ կազմութեան ամենախիստ կրնտրաստներէց մէկն է, քանի որ հին աշ- խարհում մարդը նշանակութիւն ունէր որ- պէս միայն և լսկ իւր պետութեան քաղա- քացի:

Աւետարանը ուշադրութեամբ կարգա- ցող ամեն մի մարդ, չի կարող առանց զար- մանքի վերաբերուել այն անտարբերութեա- նը և նոյն իսկ արհամարհանքին, որպիսին ազտայայտում է նրա մէջ հասարակական գործունէութեան նկատմամբ: Աւետարանը մի տեսակ կրաւորական կերպով է վերա- բերում դէպի այն քաղաքական կարգերը, որ այն ժամանակ գոյութիւն ունէին հռով- մէական կայսրութեան մէջ: Նրանց համա- կրանք չէ ցոյց տալիս, բայց և դատապար- տութիւն էլ չի կարգում: Փրկիչը իր բոլոր ուշադրութիւնը դարձրել էր համարեա բա- ցառապէս մարդու ներքին էութեան և ան- հատական բնութեան բարւոքման ու կատա- րելութեան վրայ: Հետևապէս միայն ներ- քին կամ հոգեկան կեանքն էր նրա հոգա-



ծութեան առարկան: Իսկ ինչ վերաբե-  
րում է հասարակական կազմակերպութեան  
այն բնաւորութեան ու ձևերին, որին  
պիտի մենք ձգտենք և առհասարակ պե-  
տական ու քաղաքական կենցաղին, աւետա-  
րանական վարդապետութեան մէջ դրա  
մասին ոչ մի դրական ցուցմունք չենք  
գտնում:

Առաջին թեթև հայեացքից այս գիծը  
կարող է պակասութիւն երևալ կամ դոնէ  
թերութիւն: Մինչդեռ հէնց դրա մէջ է  
քրիստոնէական վարդապետութեան ամե-  
նամեծ կատարելութիւններից և առաւե-  
լութիւններից մէկը՝ հին բոլոր կրօնական  
սխտեմների նկատմամբ: Համեմատութեան  
համար վերցնենք չինաց կինգը կամ ս.  
դրքերը, Ինդուսների վեդան, Իրանի գենդ-  
— աւեստան կամ նոյն իսկ ամենաուշ երևան  
եկող զուրանը: Կօն-փօլ-ցիոսի, Ջրադաշտի,  
մինչև անգամ Մահմէդի կրօնական սխ-  
տեմների մէջ երբեմն գարմանալի լիակա-  
տար և հետևողականութեամբ շարադրած  
վարդապետութիւն ենք տեսնում պետական  
կազմակերպութեան, բարձրագոյն իշխանու-  
թեան բնաւորութեան, հպատակների փո-

խաղարձ յարաբերութեանց և իրաւունք-  
ների ու պաշտօնեաների պարտականութիւն-  
ների մասին, մի խօսքով, կարծես պետու-  
թեան համար դրուած է մի դաղափար,  
նախադրուած է որոշ ծրագիր, որը պէտք է  
իրականանայ ազգի պատմական կեանքում:  
Եւ իսկպէս ժամանակի ընթացքում այդ  
նախագիծը շատ թէ քիչ կատարելութեամբ  
իրագործուեց, իդէալը մարմնացաւ. բայց  
ինչ հետևանքի հասան. երբ հէնց որ այս  
խնդիրը իրագործուեց, ազգի ամբողջ հա-  
սարակական գործունէութիւնը, ամբողջ  
պատմական կեանքը կանգ առաւ: Դարեր  
և հազարաւոր տարիներ անցան Չինաստա-  
նի և Հնդկաստանի գլխով, շատ յեղաշըր-  
ջումներ, փոփոխութիւններ եղան, մինչև  
անգամ օտարներից յաղթութիւններ կրե-  
ցին այդ երկրները, իսկ պետական կազմա-  
կերպութիւնը մնում էր անշարժ, սառած  
և շղթայուած իր քարացած ձևերի մէջ: Եւ  
այժմ էլ դրանք կանգնած են պատմական  
աշխարհի սահմանների յետև, առանց որ և  
է մասնակցութիւն ունենալու սրա շար-  
ժումներին, ներկայացնելով միաժամանակ  
իրենց մէջ դոյութիւն ունեցող կեանքի սա-



ուած կմախք, այն կեանքի, որը մի ժամանակ նրանց մէջ խաղում էր: Մի և նոյն բանը տեսնում ենք և մահամէղական արեւելքում:

Աւետարանի մէջ չկայ ոչ մի նման իդէալ. Փրկիչը չէր յայտնում մարդկանց, թէ ինչպէս պէտք է կազմակերպել հասարակական կեանքը և կառավարութեան ինչպիսի ձև ընտրել, այլ աշխատում էր միայն մարդու անհատական հոգևոր բնոյթը ազնուացնել և բարձրացնել: Աստուածային սրտազէտը դիտէր, որ հասարակական, քաղաքական և ամեն մի պատմական կեանքի միակ աղբիւրը մարդկային ոգին է և որքան նա կատարեալ է, այնքան աւելի կատարեալ կլինին և այն բոլորը, ինչ որ նրանից ծագում է: Հետևապէս մարդու գործունէութեան համար որ և է մշտական ձևեր նշանակել, նրա ձգտումների վերջին սահմանը գծել, նշանակում է դադարեցնել նրա յառաջադիմութիւնները, որոնք իրենց բնութեան շնորհիւ նախասահմանած են անվերջ զարգացման համար: Փրկիչը միայն մի պատուիրան, մի անմատչելի իդէալ է ցոյց տուել մարդկանց. «եղէք կատարեալ, ինչպէս ձեր երկնաւոր Հայրն է կատարեալ»:

Հետևապէս մարդու հոգևոր կեանքի անըսպառ զարգացումը կդադարի, երբ աստուածութեան նման կդառնայ:

Այսպիսով քրիստոնէական կրօնի այս յատկութեան մէջ գտնուում է մեր քաղաքակրթութեան անսահման ապագայի գրաւականը. քրիստոնէի ոգու, նրա կատարելագործուելու անսպառ ընդունակութեան մէջ, քաղաքակրթութիւնը միշտ կգտնի իր հեռաւոր նորոգման և զարգացման աղբիւրը:

Ահա այս է աւետարանի ամբողջ բնաւորութիւնը մի քանի գլխաւոր կէտերի մէջ ամփոփած:

Այս բոլորից յետոյ պէտք է համոզուել, որ Աւետարանը ոչ միայն յառաջադիմութեան թշնամի չէ՝ ինչպէս մի ժամանակ միջնադարեան կաթոլիկ հոգևորականութեան շահասէր մեկնութիւնների մէջ կարող էր երևալ, այլ ընդհակառակը իր մէջ պարփակում է յառաջադիմութեան բուռն առհաւատչէքը և պայմանները: Տենչաւոր աստուածային ճշմարտութեան, աղբերը հէնց որ ս. Գիւրքը դուրս քաշեցին անարժան ձեռքերից—և մարդկային խելքի արագ յառաջադիմութիւնները, որ սկսուեցին XVI



դարուց, իսկոյն աշխարհին ցոյց տուին նրա բարձր քաղաքակրթիչ դերը:

Միւս կողմից դժուար չէ ըմբռնել նոյնպէս, թէ ինչպիսի պատկառելի տեղ է բըռնում քրիստոնէութիւնը այն տարրերի շարքում, որոնցից կազմուել է նոր Եւրոպայի քաղաքակրթութիւնը:

Ճիշտ է սրա վերաբերմամբ գիտնականների կարծիքը բաւական տարբեր են: Գերմանական պատմաբանները ըստ մեծի մասին առաւելութիւն տալիս են գերմանական սկզբունքին, որի թարմ ոյժով մարդկութիւնը վերածնուել է նոր կեանքի համար: Հումանիստները և առհասարակ կլասիք հնութեան երկրպագուները մեր պատմական կեանքի գլխաւոր հիմքը տեսնում են անտիկ աշխարհի ժառանգութեան մէջ: Ֆրանսիացիք իրենց սովորութեան համաձայն աշխատում են հակառակ հայեացքները հաշտեցնել և այս մտքով ամենայն շող փորձը պատկանում է ինչպէս յայտնի է Գիզոյին:


Ճանաչելով, որ իւրաքանչիւր հայեացքի մէջ որոշ չափով ճշմարտութիւն կայ, մենք իրաւունք ենք համարում նկատելու,

թէ որչափ էլ կարեւոր է եղել միւս սկզբունքների ազդեցութիւնը, յամենայն դէպս մեր պատմական կազմի և մեր կրթութեան զարգացման մէջ Աւետարանը այնքան նախապատուութիւն է վայելում, որքան կրօնը առ հասարակ նախապատիւ տեղ է բռնում մարդկային կեանքի բոլոր միւս շահերի և երևոյթների վերաբերմամբ: Որովհետև կրօնը ամենաընդարձակ իմաստով այն բարձրագոյն բարոյական համոզմունքների գումարն է, որոնցով մարդն առաջնորդուում է իր ամբողջ կեանքի մէջ: Նրա մէջ պարունակուում են բարութեան, ճշմարտութեան, արդարութեան և օրէնքի հիմնական հասկացողութիւնները, մի խօսքով այն յաւիտեանական հոգեւոր բարիքների հիմունքները, առանց որոնց աներևակայելի է ոչ զարգացողութիւն, ոչ երջանկութիւն, ոչ էլ կեանք:

Ամբողջ արտաքին գործունէութիւնը՝ — հասարակութիւն, քաղաքականութիւն, գեղարուեստ և գիտութիւն, ամենուրեք և ամեն ժամանակ եղել են և կլինին այդ ծայրագոյն սկզբունքների ոգու և յատկութիւնների արտացոլում: Ի զուր չէ, որ նոյն իսկ «ուելիգիա» բառը զարմանալի կերպով



ցոյց է տալիս իր արտայայտած ոյժի բարձր նշանակութիւնը: Religo religare նշանակում է կապել, միացնել: Դրա համար կրօնը այն հոգևոր կապն է, որով մարդը յարաբերութիւն է հաստատում իր ամբողջ շըրջապատի, այսինքն բնութեան, մարդկանց և աստուածութեան հետ և այսպիսով դառնում է իր կեանքի կեդրոն և աղբիւր:



Р.П.В! в ЛНГР.

Р. 1038 Г.

№ 7/240



Վրիպակներից կարեւորները

Էջ.	Տող.	Սխալ.	Ուղղ.
8	ն. 7	չե նասի	չնասի
»	վ. 8	կերակուրը	կերակուրի ծախսը
12	վ. 9	այս	այս՝
13	ն. 11	recepe	recipe
15	ն. 2	de Auguste	à Auguste
16	ն. 5	քաղաքացուց	քաղաքացուց,
17	վ. 5	էին	էին,
19	վ. 12	է	էր
22	ն. 8	միս	մի
23	վ. 11	մէջ	մէջ անակի
25	վ. 2	ստացուեց	սպասուեց
»	» 8	ծէս	մի ծէս
»	» 9	հողին	սզին
»	» »	էր	է
27	ն. 4	ձևերով	ձևերով էլ որ
28	ն. 7	որ	որ այդ արդէն
32	վ. 12	որ	
36	վ. 11	ձնչման	տճման
40	ն. 12	գեկատուրի	գիկատուրայի
47	ն. 14	տնուանոյ ... կնոջ արսի ... էգի	
49	վ. 1	քաղաքական	քաղաքական կեանքից անհատական
50	ն. 4	լիակատար	լիակատարութեամբ
51	վ. 10	երբ	
53	վ. 2	երբ	երբ մարդը
56	վ. 7-8	դառնում	դարձնում



HAP  
2-

Մամուլի տակ է՝

Պրոֆ. Ն. Սաւիորով: Եկեղեցու և պե-  
տութեան յարաբերութիւնները: Քարդ-  
մանեց Պետրոս Տէր - Յարութիւնեան:

ԳիՆՆ է 20 կող.





տ. Բ /  
ԳՄ 2

« Ազգային գրադարան



NL0159627



3144

A

2-232 a